
STATUTI
I
SHOQËRISË TREGTARE
“L & K” SH.P.K.

Sot, më datë 02/01/2023 (dymijë e njëzet e tre), ortakut themelues:

- Znj. Matilda Shllaku, shtetase shqiptare, e lindur në Kukës më 08.06.1984 dhe banuese në Tiranë, madhore dhe me zotësi të plotë juridike për të vepruar, mbajtëse e kartës së identitetit me numër 037241248 dhe numër personal I45608215J.

vendosen themelimin e Shoqërisë “L & K” Shpk., me termat si më poshte:

I. DISPOZITA TE PERGJITHSHME

Shoqëria Tregtare “L & K” Shpk., rregullon pozitën e saj juridike, marrëdhëniet e themeluesve, te organeve te saj, llojin e shoqërisë, kohëzgjatjen e veprimtarisë së saj, marrëdhëniet me të punësuarit, duke u bazuar në ligjin Nr. 9901, datë 14.04.2008 “Për Tregtarët dhe Shoqëritë Tregtare”, dhe dispozitat e tjera të legjislacionit shqiptar në fuqi që rregullojnë marrëdhëniet e Shoqërive Tregtare, (në vijim Shoqëria).

NENI 1.

Objekti i veprimtarisë

Shoqëria ka për objekt veprimtarie:

“Implementimi dhe menaxhimi i projekteve gjeneruese të energjisë elektrike solare (fotovoltaike) dhe veprave ndihmëse në Republikën e Shqipërisë dhe marrja nga Qeveria Shqiptare apo Ministrive e Institucioneve të Shtetit Shqiptar i të gjitha miratimeve, lejeve dhe licensave të cilat mundësojnë zhvillimin e këtij aktiviteti në menyrë të qete dhe në përputhje me kuadrin ligjor në Republikën e Shqipërisë.

Shoqëria ka të drejtë të ushtrojë çdo lloj aktiviteti të parashikuar nga ligji në përputhje me rregullat e dispozitat në fuqi. Shoqëria do të ushtrojë aktivitetin e saj në baze të autorizimeve dhe/ose lejeve perkatëse të leshuara nga organet kompetente të fushës”.

NENI 2

Emri dhe Selia e Shoqërisë

Shoqëria është Person Juridik Privat. Shoqëria do të paraqitet në qarkullimin juridik-civil me emërtimin e saj “L & K” Shpk.

Selia e Shoqërisë ndodhet në Adresën: Rruga Tish Daija, Kompleksi Kika 2, Hyrja 5, Tiranë.

NENI 3

Kohëzgjatja e Shoqërisë.

Afati kohor i zhvillimit të aktivitetit të shoqërisë është i përhershëm.

NENI 4.

Regjimi juridik i Shoqërisë

Shoqëria udhëhiqet nga parimet e ekonomisë së tregut. Ajo respekton parimin e reciprocitetit. Ajo do të organizohet si një shoqëri me përgjegjësi të kufizuar (Sh.p.k.). Veprimtaria e saj i nënshtrohet dispozitave të Aktit së Themelimit, Statutit si dhe dispozitave të legjislacionit tregtar e atij civil në fuqi.

Me vendim të Asamblesë së Përgjithëshme, Shoqëria mundet që të ndryshojë regjimin juridik të saj në përputhje me dispozitat ligjore që do të jenë në fuqi si dhe në përputhje të plotë me dispozitat e Aktit të Themelimit dhe të Statutit të saj. Statuti mund të ndryshojë duke ndjekur normat e mësipërme. Shoqëria gëzon personalitet juridik nga data e rregjistrimit të saj në Rregjistrin Tregtar. Shoqëria do të ketë vulën e saj.

II. TE DREJTAT DHE DETYRAT E ORTAKEVE.

NENI 5.

Ortakët nuk mbajnë përgjegjësi për humbjet e shoqërisë përveç për pjesën e pashlyer të kontributeve të tyre që duhet të derdhen në kapitalin fillestar.

Pasuritë e krijuara nga Shoqëria gjatë aktivitetit të saj janë në pronësi të Shoqërisë. Ato (pasuritë) mund të tjetërsohen, të jepen me qera, të lihen peng e hipotekë me miratimin e Ortakëve.

NENI 6

Të drejtat dhe detyrimet e Ortakëve.

Ortakët japin kontributin e tyre në shoqëri në para apo në natyrë, sipas menyrave dhe afateve të përcaktuara në statut. Personat përgjegjës për administrimin e shoqërisë informojnë të gjithë ortakët për ecurië e veprimtarisë së shoqërisë tregtare dhe, me kërkesën e tyre, duhet t'u vënë në dispozicion llogaritë vjetore, përfshirë llogaritë e konsoliduara, raportet për gjendjen dhe ecurinë e veprimtarisë së shoqërisë tregtare, raportet e organeve drejtuese apo të ekspertëve kontabël të autorizuar, si dhe çdo dokument tjetër të brendshëm të shoqërisë, me përjashtim të rastit të sekretit tregtar, i cili është një e dhënë e vlerësuar nga shoqëria si informacion i brendshëm apo dokument që shoqëria mbron, i cili në rast se do t'u përhapet personave të paautorizuar do t'i shkaktonte dëm të konsiderueshëm interesave tregtare të shoqërisë.

Ortakët kanë të drejtë të heqin dorë nga shoqëria dhe të shesin pjesën e tyre të kapitalit, në përputhje me kushtet e përcaktuara në Statut dhe në ligj.

Heqja dorë nga shoqëria nuk i liron ata nga detyrimet që ata kanë ndaj shoqërisë deri në momentin e heqjes dorë dhe nuk rrezikon marrjen e të ardhurave nga shoqëria të siguruar deri në atë moment. Gjatë ushtrimit të të drejtave, ortakët veprojnë, duke marrë parasysh interesat e shoqërisë dhe të ortakëve të tjerë. Ata gëzojnë, të njëjtat të drejta, kanë të njëjtat detyrime e trajtohen në mënyrë të barabartë. Ortakët respektojnë detyrimet që burojnë nga Akti i Themelimit dhe Statuti. Ata përplojnë për fillimin e aktivitetit të Shoqërisë sipas objektit të veprimtarisë së saj.

NENI 7.

Abuzimi i ortakëve ndaj shoqërisë

Ortakët, e shoqërisë tregtare, që kryejnë një apo më shumë nga veprimet ose mosveprimet vijuese, përgjigjen personalisht e në mënyrë solidare për detyrimet e shoqërisë, me të gjithë pasurinë e tyre nëse:

- a) abuzojnë me formën e shoqërisë tregtare për arritjen e qëllimeve të paligjshme;
- b) trajtojnë pasuritë e shoqërisë tregtare si të ishin pasuritë e tyre;
- c) në çastin kur kanë marrë apo duhet të kishin marrë dijëni për gjendjen e paaftësisë pagueuse të shoqërisë, nuk marrin masat e nevojshme, për të siguruar që shoqëria, në varësi të llojit të veprimtarisë së ushtruar, të ketë kapitale të mjaftueshme, për të përmbushur detyrimet e marra përsipër ndaj palëve të treta.

NENI 8.

Ndalimi i konkurrencës

Ortakët nuk mund të mbajnë një pozicion drejtues apo të jenë të punësuar në shoqëri të tjera, që ushtrojnë veprimtari në të njëjtin sektor ekonomik me shoqërinë. Gjithashtu, ata nuk mund të mbajnë statusin e tregtarit për të ushtruar veprimtari në këtë sektor.

Ndalimi i përmendur më sipër mund të ndryshohet apo shfuqizohet nëpërmjet një autorizimi të posaçëm, të dhënë nga asambleja e përgjithshme me 51% të votave.

Ky autorizim mbetet në fuqi edhe pas humbjes së cilësive apo statusit të përmendur në të, por jo për një periudhë më të gjatë se një vit pas humbjes ëe kësaj cilësie.

Nëse ndonjeri prej ortakëve shkel ndalimin e konkurrencës, shoqëria mund:

- a) ta përjashtojë atë nga shoqëria apo ta shkarkojë nga detyra;
- b) të kërkojë ndërprerjen e veprimtarisë konkurruese;
- c) të ngrejë padi për shpërblimin e dëmit.

Shoqëria, si alternativë të ngritjes së padisë për shpërblimin e dëmit, mund t'i kërkojë secilit prej ortakëve:

1. të pranojë që transaksionet e kryera për llogari të tij të kalohen për llogari të shoqërisë;
2. t'i transferojë shoqërisë të gjitha përfitimet që ka marrë nga kryerja e veprimeve për llogari të personave të tretë;
3. t'i transferojë shoqërisë të gjitha të drejtat e kreditë, që kanë rrjedhur nga kryerja e veprimeve për llogari të personave të tretë.

NENI 9.

Largimi i ortakut nga shoqëria dhe likuidimi i kuotës

Ortaku mund të largohet nga shoqëria nëse ortakët e tjerë ose shoqëria kanë kryer veprime në dem të tij, nëse është penguar të ushtroje të drejtat e tij, nëse shoqëria i ka ngarkuar detyrime të paarsyeshme apo për shkaqe të tjera, që e bejne të pamundur vazhdimin e ortakërisë. Ortaku që kërkon largimin, duhet të njoftojë shoqërinë me shkrim, si dhe të parashtrijë shkaqet e largimit. Administratoret duhet të therrasin mbledhjen e asamblese se përgjithshme menjehere pasi të kenë marrë dijëni për njoftimin e largimit, për të vendosur nëse ortakut do t'i likuidohet kuota, si pasojë e largimit për shkaqe të arsyeshme.

Ortaku ka te drejte te ngreje padi në gjykate ndaj shoqërisë per likuidimin e kuotes, si pasoje e largimit per shkaqe te arsyeshme, nëse pas njoftimit te largimit asambleja e pergjithshme nuk mblidhet apo nuk i njeh si te arsyeshme shkaqet e largimit dhe likuidimin e kuotes.

Ortaku qe kerkon largimin nga shoqeria, detyrohet ta demshperbleje shoqerine per dëmet e shkaktuara, nëse rezulton se largimi është kryer ne baze te shkaqeve te paarsyeshme.

Ortaku që largohet ka te drejte te ngreje padi ndaj shoqërisë dhe/ose ortakeve te tjere qe shkaktuan largimin e tij dhe te kerkoje ndaj tyre, ne menyre solidare, shperblimin e demit te pesuar.

NENI 10.

Përfshirja e ortakut

Në baze te nje vendimi te zakonshem, asambleja e pergjithshme mund t'i kerkoje gjykates perjashtimin e ortakut, nëse ai nuk ka shlyer kontributin e tij, apo nuk ka paguar kontributin si pasoje e nje financimi, investimi, shtimi ne kapital dhe detyrime te tjera te parashikuara ne Statut apo nëse ekzistojne shkaqe te arsyeshme per perjashtimin e tij sipas parashikimeve te statutit ose nëse ekzistojne shkaqe te tjera te arsyeshme per kete perjashtim.

Konsiderohen shkaqe te arsyeshme per perjashtimin e ortakut, por pa u kufizuar ne to , rastet kur ortakut:

- me dashje apo me pakujdesi te rëndë i shkakton dëme shoqërisë ose ortakeve të tjerë;
- me dashje apo me pakujdesi te rëndë shkel statutin ose detyrimet e përcaktuara me ligj;
- përfshihet në veprime, të cilat e bëjnë të pamundur vazhdimin e marrëdhënieve midis shoqërisë tregtare dhe ortakut
- me veprimet e tij demton ose pengon ndjeshem veprimtarine tregtare te shoqërisë.
- Gjatë procedures se perjashtimit te ortakut, me kerkese te paditesit, gjykata mund te marre nje mase per sigurimin e padise, duke pezulluar te drejten e votes se ortakut, qe kerkohet te perjashtohet, si dhe te drejtat e tjera, qe rrjedhin nga zoterimi i kuotes se shoqërisë, kur ajo e vlereson kete mase si te nevojshme dhe te justifikuar.
- Shoqëria ka te drejte t'i kerkoje ortakut te perjashtuar shperblimin e demit te pesuar nga veprimet, qe kane sjelle perjashtimin.
- Ortaku ka te drejte t'i kerkoje shoqërisë shperblimin e demit te pesuar, nëse kerkesa per perjashtim nuk është e bazuar.
- Ortaku nuk ka te drejte t'i kërkojë shoqërisë likuidimin e kuotës, nëse ai perjashtohet per shkaqe te arsyeshme, por, nëse shoqeria ngre ndaj tij padi per shperblim demit, ortakut ka te drejte te kompensoje çdo shume, qe do te kishte të drejte ta perfitonte në cilesine e likuidimit te kuotes, me demin e kerkuar nga shoqëria.

III. KUSHTET EKONOMIKE TE SHOQËRISË.

NENI 11.

Aktiviteti i Shoqërisë bazohet në kërkesat e ekonomisë e të tregut. Veprimtaria ekonomike ndërtohet mbi parimet e llogarisë dhe pasqyrohet në bilancet e saj.

NENI 12.

Kapitali fillestar i investuar nga Ortakët, përbën bazën e krijimit të fondit themeltar të mjeteve të xhiros. Administratori i dorëzon Ortakëve dokumentin vertetues për sasitë e shumave të derdhura në fazën e themelimit.

Vlerësimi i kapitalit në natyrë është bërë nga Ortakët Themelues në momentin e themelimit të Shoqërisë.

Ortakët mund të kryejnë në baze të një vendimi të Asamblesë së Ortakeve, financime për llogari të shoqërisë në perpjesetim me kuotat e zotëruara në kapital, mbulimin e humbjeve ashtu edhe për financime jo fitimprurese.

NENI 13.

Kapitali i Shoqërisë

Kapitali themeltar i shoqërisë përbëhet nga kontributi në para i një ortaku themelues. Ai përbëhet nga 1 (një) kuotë. Kontributi në para për këtë kuotë do të ketë vlerën prej 10,000 (dhjetëmijë) Lekë.

Ortaku themelues do të zotërojë kuotat në Shoqërinë "L & K" Shpk., si më poshtë:

- Znj. Matilda Shllaku në cilësinë e Ortakut Themelues zotëron 1 (një) kuotë me vlerë sa 100% të vlerës së kapitalit themeltar të shoqërisë me vlerë të përgjithshme prej 10 000 Lekë.

Kapitali themeltar është derdhur në total nga ortakët themelues në ditën e sotme. Vlerësimi dhe pagesa e kapitalit themeltar është kryer nga ortakët me miratimin e këtij Akti.

NENI 14.

Pronësia mbi kuotat

Kuotat e kapitalit dhe të drejtat që rrjedhin prej tyre fitohen ose kalohen, nepermjet:

- kontributit në kapitalin e shoqërisë;
- shit-blerjes;
- trashëgimise;
- dhurimit;
- në çdo mënyrë tjetër të parashikuar në ligj.

NENI 15.

Miratimi i Asamblesë së Përgjithshme për fitimin apo kalimin e kuotave.

Pavarësisht nga mënyra e fitimit apo kalimit të kuotave, është i nevojshëm miratimi i Asamblesë së Përgjithshme të Ortakeve. Në çdo rast, ortakët e shoqërisë gëzojnë të drejtën e parablerjes. Transferimet e kapitalit themeltar duhet të vertetohen sipas ligjit, ndryshe janë të pavlefshme.

NENI 16.

Kuotat mund të anulohen ne çdo rast me miratimin e ortakut perkates dhe te gjitha te drejtat dhe detyrimet qe i rrjedhin ortakut nga zoterimi i kuotes, shuhen me anulimin e tyre.

Rastet e anulimit te kuotes do të përcaktohen nga rregullore te posaçme, të miratuar nga Asambleja e Ortakëve me 51% të votave.

Ndërsa likuidimi i saj do të bëhet sipas përcaktimeve të nenit 9 të këtij statuti.

NENI 17.

Zmadhimi dhe zvogëlimi i kapitalit

Kapitali themeltar mund të zmadhohet ose të zvogëlohet nga Asambleja e Përgjithshme me $\frac{3}{4}$ e votave.

Zmadhimi i kapitalit mund të vendoset kur e kërkojnë interesat e Shoqërisë duke vendosur kuotat suplementare të Ortakëve.

Asambleja e Përgjithshme, vendos për zvogëlimin e kapitalit të Shoqërisë.

Zvogëlimi i kapitalit nuk duhet të demtojë kreditorët e as të krijojë pasiguri tek ata qe kane dhene kredi para publikimit të zvogëlimit të kapitalit. Në të kundërtën Gjykata e konsideron të pavlefshëm këtë vendim mbi kërkesën e kreditorëve.

NENI 18.

Fondet rezervë

Shoqëria disponon lirisht mjetet e veta financiare për shlyerien e detyrimeve gjatë veprimtarisë së saj.

NENI 19.

Përdorimi i të ardhurave neto

E ardhura neto që rezultojnë mbasi zbriten shpenzimet e bera për kryerjen e çdo lloji aktiviteti nga zbritja e vlerës së amortizimit, nga tatimet dhe taksat, nga kuotat që rritin kredinë për investime, pagat e shpërblimet, perdoret nga Ortakët, sipas qëllimeve të tyre.

NENI 20.

Bilanci, plani financiar.

Pasuria e Shoqërisë vlerësohet në bilancet e saj në monedhe të vendit ose në monedhe të huaja sipas vlerësimit të Ortakëve ose eksperteve në momentin e themelimit të Shoqërisë.

Bilanci vjetor paraqitet brenda datës 31 Mars të vitit pasardhës. Forma e bilancit përcaktohet nga Administratori në harmoni me format e bilanceve të vendosura në Republikën e Shqipërisë.

Plani financiar parashikon aktivin e pasivin e aktivitetit ekonomik të Shoqërisë, të shprehur në leke ose valute të konvertueshme. Llogaria ekonomike do të mbahet në Shqipëri. Shkembimi i monedhës shqiptare me ato të huaja dhe anasjelltas bëhet sipas kursit zyrtar të këmbimit.

NENI 21.

Shpërndarja e fitimeve

Ortakët kanë të drejtë të ndajnë pjesën e fitimit të deklaruar në pasqyrat financiare të shoqërisë. Fitimi u shpërndahet ortakëve në raport me kuotat e zotëruara.

NENI 22.

Kufizimi i shpërndarjeve ëe fitimeve

Shoqëria mund t'u shpërndaje fitime ortakëve, vetëm nëse pas pagimit të dividendit:

- a) aktivet e shoqërisë mbulojnë teresisht detyrimet e saj;
- b) shoqëria ka aktive likuide të mjaftueshme për të shlyer detyrimet që behen të kerkueshme brenda 12 muajve në vazhdim.

Administratorët lëshojnë një certifikatë të aftesisë paguese, e cila konfirmon shprehimisht së shpërndarja e propozuar e dividendëve përmbush kërkesat e mësipërme.

Kur gjendja e shoqërisë tregon se shpërndarja e propozuar e dividendëve nuk i përmbush keto kritere, administratorët nuk mund t'a lëshojnë këtë certifikatë.

Administratorët përgjigjen ndaj shoqërisë për vertetesinë e certifikates së aftesisë paguese.

Administratorët, të cilet nga pakujdesia lëshojnë një certifikatë të pasakte të aftesisë paguese, përgjigjen personalisht përpara shoqërisë për kthimin e dividendëve të shpërndarë.

Ortakët, që kanë marrë nga shoqëria dividende, përgjigjen personalisht ndaj shoqërisë për kthimin e dividendëve, që u janë shpërndarë kur nuk është lëshuar certifikata e aftesisë paguese, ose kur, pavarësisht lëshimit të certifikates, këta ortakë kanë pasur dijeni për gjendjen e paaftesisë paguese të shoqërisë, ose në bazë të rrethanave të qarta nuk mund të mos kishin pasur dijeni për këtë gjendje.

IV. ORGANET E SHOQËRISË.

NENI 23.

Asambleja e Përgjithshme

Organi themelor i shoqërisë është Asambleja e Përgjithshme. Asambleja e Përgjithshme merr vendime të cilat kërkojnë $\frac{3}{4}$ e votave në rastet e mëposhtme:

1. ndryshimet e statutit;
2. zmadhimin dhe zvogelimin e kapitalit;
3. riorganizimin dhe prishjen e shoqërisë;
4. shpërndarjen e fitimeve;
5. raste të tjera të parashikuara nga ligji ose statuti;

për rastet e tjera ajo vendos me shumicën e votave të ortakëve pjesëmarrës si më poshtë:

1. Miratimin e rregullave procedurale të mbledhjeve të asamblese;
2. çështje të tjera të parashikuara nga ligji apo statuti.
3. përcaktimin e politikave tregtare të shoqërisë;
4. emërimin e shkarkimin e administratorëve;
5. emërimin e shkarkimin i likuiduesve dhe të eksperteve kontabel të autorizuar;
6. përcaktimin e shpërblimeve për administratorët, likuiduesit dhe ekspertët kontabel të autorizuar.

-
- 7 mbikeqyrjen e zbatimit të politikave tregtare nga administratoret, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
 - 8 miratimin e pasqyrave financiare vjetore dhe të raporteve të ecurisë së veprimtarisë;
 - 9 pjesëtimin e kuotave dhe anulimin e tyre;
 - 10 përfaqësimin e shoqërisë në gjykatë dhe në procedimet e tjera ndaj administratoreve.

NENI 24.

Asambleja e Përgjithshme është e detyruar dhe me çdo kusht të mbledhet sa here që mbledhja është e nevojshme për të mbrojtur interesat e shoqërisë në rastet e mëposhtme:

- sipas bilancit vjetor apo raporteve të ndërmjetme financiare, rezultojnë ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
- shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të asetëve të shoqërisë, që rezultojnë në pasqyrat e fundit financiare të certifikuara.
- shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të asetëve të shoqërisë, që rezultojnë në pasqyrat e fundit financiare të certifikuara.
- Asambleja e përgjithshme thirret nga administratoret apo ortakët të cilët përfaqësojnë të paktën 5% të totalit të votave në asamblenë e përgjithshme të shoqërisë.
- Në rastet e parashikuara në pikën një dhe tre më sipër, përpara Asamblesë së Përgjithshme paraqitet një raport i përgatitur nga një ekspert kontabil i autorizuar, i pavarur.
- Në raste të parashikuara në pikën një dhe tre Asambleja e Përgjithshme mund të miratojë një rezolute këshilluese, duke miratuar apo bërë vërejtje për veprimtarinë e administratoreve.

NENI 25.

Thirrja e Asamblesë së Përgjithshme

Asambleja e përgjithshme thirret nëpërmjet një njoftimi me shkresë ose, me njoftim nëpërmjet postës elektronike. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 15 ditë përpara datës së parashikuar për mbledhjen e asamblesë.

Kur asambleja e përgjithshme nuk është thirrur si më sipër, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.

NENI 26.

Kuorumi i nevojshëm dhe vendim-marrja

Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 51% për qind të kuotave. Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar, ajo mund të marrë vendime

të vlefshme vetëm nëse ortaket që zotërojnë më shumë se gjysmën e numrit total të votave janë të pranishëm personalisht, votojnë me shkresë, apo mjete elektronike.

Nëse asambleja e përgjithshme nuk mund të mbledhet për shkak të mungesës së kuorumit të permendur me sipër, asambleja mbledhet përsëri jo më vonë se 30 dite, me të njëjtin rend dite.

Asambleja e përgjithshme vendos me tri të katërtat e votave të ortakëve pjesëmarrës, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë. Për çështjet e tjera, asambleja e përgjithshme vendos me shumicën e votave të ortakëve pjesëmarrës.

Çdo kuotë jep të drejtën e një vote. Ortakët, që nuk janë të pranishëm, mundësinë e pjesëmarrjes në mbledhjen e asamblesë së përgjithshme me mjete të ndryshme komunikimi, përfshirë mjetet elektronike, me kusht që të garantohet identifikimi i ortakëve.

Ortaku, që pengohet të ushtrojë të drejtat që i rrjedhin nga zotërimi i kuotës së shoqërisë, ka të drejtë t'i kërkojë gjykatës të urdherojë ndalimin e cënimit apo shpërblimin e dëmit të shkaktuar, si pasojë e cënimit të këtyre të drejtave.

NENI 27.

Procesverbali i mbledhjes së asamblesë

Të gjitha vendimet e asamblese së përgjithshme duhet të regjistrohen në procesverbal. Administratorët përgjigjen për ruajtjen e kopjeve të procesverbaleve të mbledhjeve të asamblesë së përgjithshme.

Procesverbali duhet të përmbajë datën e vendin e mbledhjes, rendin e ditës, emrin e kryetarit e të mbajtësit të procesverbalit, rezultatet e votimit.

Procesverbalit i bashkëlidhet edhe lista e pjesëmarrësve, si edhe akti i thirrjes së asamblesë së përgjithshme.

Procesverbali i mbledhjes nënshkruhet nga kryetari dhe nga mbajtësi i procesverbalit.

NENI 28.

Hetimet e posaçme

Asambleja e përgjithshme mund të vendosë nisjen e një hetimi të posaçëm për parregullsi të pergjate veprimeve të themelimit të shoqërisë apo të ushtrimit të veprimtarisë tregtare. Hetimi kryhet nga një ekspert i pavarur i fushës.

Ortaket që përfaqësojnë të paktën 5 për qind të totalit të votave në asamblesë e shoqërisë, apo një vlerë më të vogël të parashikuar në statut dhe/ose cilido kreditor i shoqërisë mund t'i kërkojnë asamblese se përgjithshme emerimin e një eksperti të pavarur të fushës, kur ka dyshime të bazuara për shkelje të ligjit ose të statutit në të kundërt brenda 30 ditëve pas refuzimit nga asambleja për emerimin e ekspertit të pavarur, mund t'i kërkojnë gjykatës emerimin e këtij eksperti. Nëse asambleja e përgjithshme nuk merr një vendim brenda 60 ditëve nga data e paraqitjes së kërkesës, kërkesa e ortakeve vlerësohet e refuzuar.

E drejta për të kërkuar hetim të posaçëm, duhet të ushtrohet brenda 3 vjetëve nga data e regjistrimit të shoqërisë tregtare, kur hetimi ka si objekt parregullsi të procesit të themelimit, si dhe brenda 3 vjetëve nga data e veprimit, që konsiderohet i parregullt, kur hetimi ka si objekt parregullsi të ushtrimit të veprimtarisë tregtare.

Ne rastet e vendimeve te parregullta te administratorit te shoqërisë, Asambleja e Pergjithshme ka te drejte ti kerkoje Gjykates kompetente shfuqizimin e ketyre vendimeve, kur keto perbejne shkelje te rende te ligjit apo statutit.

Ortaket te cilet perfaqesojne te pakten 5% te totalit te votave ne asamblene e pergjithshme apo secili kreditor i shoqërisë mund ti kerkoje asamblese se Pergjithshme shfuqizimin si me siper, ose ata mund te proçedojne vete perpara gjykates brenda 30 diteve nga refuzimi I asamblese per ngritjen e padise. Nëse Asambleja e Pergjithshme nuk merr nje vendim brenda 60 diteve nga data e kerkeses, kerkesa e ortakeve apo kreditoreve vleresohet e refuzuar.

Proçedurat perpara gjykates ndiqen nga nje perfqesues I posaçem I shoqërisë I emeruar nga Asambleja e Pergjithshme. Kreditorët apo ortakët e siperpermendur kane te drejte te kerkojne perpara gjykates zeyendesimin e perfaqesuesit kur ka dyshime ne lidhje me te per perfaqesimin e tij jo ne interes te shoqërisë.

Rastet e hetimeve te posaçme dhe shfuqizimit te vendimeve te parregullta do te rregullohen sipas neneve 91 dhe 92 te ligjit " Per Tregtaret dhe Shoqerite Tregtare"

V. ADMINISTRIMI I SHOQËRISË

NENI 29.

Asambleja e Përgjithshme emerone nje ose me shume persona fizike si administratore te shoqërisë. Afati i emerimit, nuk mund te jete me i gjate se 5 vjet, me te drejte ripërteritjeje. Emerimi i administratoreve prodhon efekte pas regjistrimit ne Qendren Kombetare te Regjistrimit. Statuti mund te caktojte rregulla te posaçme per emerimin e administratorëve.

Administrator i Shoqërisë emerohet :

Znj. Matilda Shllaku, shtetas shqiptar, i lindur në Kukës, me 08.06.1984 dhe banues në Tiranë, madhor dhe me zotesi të plote juridike për të vepruar, mbajtes i kartës së identitetit me numër. 037241248 dhe numer personal I45608215J.

Shoqëria do të përfaqësohet përpara çdo organi administrativ, gjyqësor, apo çdo entiteti tjetër publik apo privat dhe në marrëdhënie me të tretët nga Administratori i shoqërisë, i cili ushtron të drejtat e tij në përputhje me Statutin e shoqërisë dhe me legjislacionin shqiptar në fuqi.

NENI 30.

Të drejtat dhe detyrimet e administratorit

Administratorët kane te drejte e detyrime te:

1. kryeje te gjitha veprimet e administrimit te veprimtarise tregtare të shoqërisë, duke zbatuar politikat tregtare, te vendosura nga asambleja e pergjithshme;
2. perfaqesojte shoqërinë tregtare;
3. kujdeset per mbajtjen e sakte e te rregullt te dokumenteve dhe të librave kontabël të shoqërisë;

4. pergatise dhe nenshkruaje bilancin vjetor, bilancin e konsoliduar dhe raportin e ecurise se veprimtarise dhe, se bashku me propozimet per shperndarjen e fitimeve, te paraqese keto dokumente perpara asamblese se pergjithshme per miratim;
5. krijoje nje sistem paralajmerimi ne kohen e duhur per rrethanat, qe kercenojne mbarevajtjen e veprimtarise dhe ekzistencen e shoqërisë;
6. kryeje regjistrimet dhe dergoje te dhenat e detyrueshme te shoqërisë, siç parashikohet ne ligjin per Qendren Kombetare te Regjistrimit;
7. raportoje perpara asamblese se pergjithshme ne lidhje me zbatimin e politikave tregtare dhe me realizimin e veprimeve te posaçme me rendesi te veçante per veprimtarine e shoqërisë tregtare;
8. kryeje detyra te tjera te percaktuara ne ligj dhe ne statut.
9. te therrase asamblene e pergjithshme kur shoqeria brenda 2 viteve te para pas regjistrimit te saj, propozon te bleje nga nje ortak pasuri, qe kane vlere me te larte se 5 per qind te aseteteve te shoqërisë, qe rezulton ne pasqyrat e fundit financiare te certifikuara dhe kur sipas bilancit vjetor apo raporteve te ndermjetme financiare, rezulton ose ekziston rreziku qe aktivet e shoqërisë nuk i mbulojne detyrimet e kerkueshme brenda 3 muajve ne vazhdim.

Asambleja e Pergjithshme mund te shkarkoje administratorin ne çdo kohe me shumice te zakonshme. Statuti apo marreveshje te tjera nuk mund te perjashtojne apo kufizojne kete te drejte. Padite, qe lidhen me shperblimin e administratorit, ne baze te marredhenieve kontraktore me shoqerine, rregullohen sipas dispozitave ligjore ne fuqi.

NENI 31.

Shpërblimi i administratorëve

Shpërblimit baze te administratoreve mund t'i behen shtesa, qe mund te jene perqindje ne fitim ose te ngjashme. Shperblimet e administratoreve percaktohen me vendim te zakonshem te asamblese se pergjithshme.

Shperblimi, duhet te jete i pershtatshem dhe në perputhje me detyrat e administratoreve dhe gjendjen financiare te shoqërisë.

Nëse shoqeria është në veshtiresi financiare, asambleja e pergjithshme mund të vendose reduktimin e shpërblimit të administratoreve në masen e pershtatshme.

Kriteret e shperblimit, shperblimi individual dhe efekti vjetor i shperblimit te administratoreve ne strukturen e kostove te shoqërisë tregtare publikohen se bashku me pasqyrat financiare vjetore.

NENI 32

Ekspertët Kontabël

Shoqeria emëron ekspertin kontabel per nje afat nje vjecar ne rastet e parashikuara nga ligji. Emerimi i tyre behet nga Asambleja e Pergjithshme.

Ekspertet kontabel jane pergjegjes per mirembajten e dokumentave te shoqërisë.

Ata jane pergjegjese per demet e shkaktuara qe mund te vijne nga mbajtja e llogarive ne menyre te parregullit.

Nuk mund te emerohen si eksperte, themelues, administratore, persona qe kane lidhje gjaku deri ne shkallen e katert.

**VI. MARRDHENIET E PUNES.
NENI 33.**

Marrdhëniet e punes në Shoqëri rregullohen sipas dispozitave të Aktit të Themelimit, Statutit dhe Legjislacionit Shqiptar të Punës.

Punësimi në Shoqëri realizohet me anë të kontrates individuale të punes midis Shoqërisë e të punësuarve. Marrdhëniet midis Shoqërisë e sindikates rregullohen nepermjet kontrates kolektive të punës.

NENI 34.

Të punësuarit dhe punonjesit drejtues administrativ janë pergjegjes per demet që i shkaktojnë Shoqërise për faj të tyre dhe pergjigjen para saj civilisht.

**VI. PRISHJA E SHOQËRISË. LIKUJDIMI.
NENI 35.**

Shoqëria priset ne rast kur:

1. kur mbaron kohezgjatja e themelimit te saj;
2. me perfundimin e procedurave te falimentimit apo ne rast te pamjaftueshmerise se pasurive për të mbuluar shpenzimet e procedures se falimentimit;
3. në rast se objekti behet i parealizueshem per shkak te mosfunktionimit te vazhduar te organeve te shoqërisë apo per shkaqe te tjera qe e bejne absolutisht te pamundur vazhdimin e veprimtarise tregtare;
4. në raste te tjera, te parashikuara ne statut;
5. në raste te tjera, te parashikuara me ligj;
6. për cdo shkak tjeter te vendosur nga asambleja e ortakeve, etj.;

Prishja e shoqërise regjistrohet në Regjistrin Tregtar prane Qendres Kombetare të Regjistrimit nga Administratorët.

**NENI 36.
Likuidimi i shoqërisë**

Prishja e shoqerive tregtare ka si pasoje hapjen e procedurave te likuidimit ne gjendjen e aftesise paguese, me perjashtim te rasteve kur është nisur nje procedure falimentimi.

Likuidimi kryhet nga likuiduesit e emeruar nga asambleja e pergjithshme. Nëse asambleja e pergjithshme nuk merr nje vendim per emerimin e likuiduesve, brenda 30 diteve pas prishjes, çdo person i interesuar mund t'i drejtohet gjykates, per te caktuar nje likuidues.

Çdo person i interesuar, ka te drejte t'i kerkoje gjykates zevendesimin e likuiduesit, sipas vendimit te ortakeve, nëse paraqet arsye te mjaftueshme per te dyshuar se likuidimi i rregullt i shoqërisë mund te cenohet nga likuiduesit e emeruar si me siper. Kerkesa duhet te depozitohet ne gjykate brenda 30 diteve nga data e caktimit te likuiduesit.

Gjykata emeron likuiduesin, ne rastet kur shoqeria tregtare prishet me vendim gjykate. Likuiduesit shkarkohen dhe zevendesohen me te njejtat kushte, te parashikuara ne dispozitat per emerimin e tyre.

Administratori i shoqërisë i njoftojne per regjistrim, Qendres Kombetare te Regjistrimit te dhenat e likuiduesve te pare dhe tagrat e tyre, per te perfaqesuar shoqerine, se bashku me dokumentet perkatese. Likuiduesit depozitojne nenshkrimin e tyre. Likuiduesit i njoftojne, gjithashtu, Qendres Kombetare te Regjistrimit per regjistrim çdo ndryshim per identitetin dhe tagrat e tyre te perfaqesimit. Emerimi i likuiduesve nga gjykata regjistrohet *ex officio*, sipas nenit 45 te ligjit nr. 9723, date 3.5.2007 "Per Qendren Kombetare te Regjistrimit".

Me hapjen e procedurave te likuidimit, emri i regjistruar i shoqërisë ndiqet nga shenimi "ne likuidim". Likuiduesit duhet te ftojne kreditorët e shoqërisë per te depozituar pretendimet e tyre per prishjen e saj brenda 30 diteve. Likuiduesi merr persiper të drejtat dhe detyrimet e administratoreve nga data e emërimit te tij.

NENI 37.

Të drejtat e detyrimet e likuiduesve

Detyra e likuiduesve është mbyllja e te gjitha veprimeve te shoqërisë, mbledhja e kredive te paarketuara dhe e kontributeve te pashlyera, shitja e pasurive te shoqërisë dhe shlyerja e kreditorëve duke respektuar radhen e referimit, sipas nenit 605 te Kodit Civil.

Likuiduesi mund te kryeje edhe veprime te reja tregtare, per mbylljen e nje veprimi te paperfunduar. Nese, ne baze te padive te ngritura nga kreditorët, likuiduesit verejne se pasuria e shoqërisë tregtare, perfshire kontributet e pashlyera, nuk është e mjaftueshme per pagesen e ketyre pretendimeve, likuiduesit detyrohen ta pezullojne proceduren e likuidimit e t'i kerkojne gjykates perkatese nisjen e procedurave te falimentimit.

NENI 38.

Bilancet

Likuiduesi pergatit nje bilanc te gjendjes se shoqërisë ne çastin e hapjes se likuidimit dhe nje bilanc perfundimtar ne çastin e mbylljes se ketyre procedurave. Nëse procedura e likuidimit zgjat me shume se nje vit, likuiduesi pergatit, gjithashtu, pasqyrat financiare vjetore te shoqërisë. Bilancet miratohen nga Asambleja e Pergjithshme.

NENI 39.

Shpërndarja e aktiveve

Pas shlyerjes se detyrimeve ndaj kreditorëve, likuiduesi u shperndan ortakeve aktivet e mbetura, sipas te drejtave qe ata kane ne ndarjen e fitimeve, me perjashtim te rastit kur statuti parashikon radhe preference. Pasurite, qe i jane dhene shoqërisë me qira apo ne perdorim, me çfaredo titulli u kthehen ortakeve. Pas shperndarjes se aktiveve te mbetura, likuiduesi e njofton Qendren Kombetare te Regjistrimit per perfundimin e likuidimit dhe kerkon çregjistrimin e shoqërisë.

NENI 40.**Likuidimi i thjeshtëzuar**

Shoqëria mund të likuidohet nëpërmjet një procedure të përshpejtuar, nëse kjo vendoset nga të gjithë ortakët dhe kur këta deklarojnë përpara gjykates përkatëse se ëe gjitha detyrimet e shoqërisë ndaj kreditorëve janë shlyer e janë rregulluar të gjitha marrëdhëniet me punëmarrësit.

Administratorët, në përputhje me nenin 43 te ligjit nr. 9723, date 3.5.2007 "Për Qendrën Kombëtare të Regjistrimit", njoftojnë për regjistrim pranë Qendrës Kombëtare të Regjistrimit vendimin për likuidimin e shoqërisë, nëpërmjet procedurës së thjeshtëzuar.

Administratorët janë përgjegjës për dëmin e shkaktuar nga shkelja e detyrave të tyre gjatë likuidimit te thjeshtëzuar. Përveç administratoreve, ortakët apo aksionaret e shoqërisë përgjigjen në menyre solidare deri në shumat e marra.

VII. DISPOZITA TE FUNDIT.**NENI 41.**

Ky Statut hyn në fuqi pas miratimit dhe regjistrimit të Shoqërisë në regjistrin tregtar pranë Qendrës Kombëtare të Regjistrimit.

NENI 42.

Gjithçka nuk është parashikuar shprehimisht në këtë Statut do të disiplinohet nga legjislacioni tregtar dhe ligje të tjera të lidhura me të në fuqi në Republikën e Shqipërisë.

NENI 43.

Ky Statut përpilohet në 4 kopje të njëjta në gjuhën shqipe, me nga 14 (1-14) fletë secila kopje dhe pasi lexohen, nënshkruhen pa vërejtje nga dy ortakët themelues.

ORTAKU THEMELUES:**Znj. Matilda Shllaku**